

**MAKAILA SA KAMATUORAN, BUG-OS GYONG ALANG SA
KAMATUORAN, UG MAGMANTALA SA KAMATUORAN
SA DAOTANG PANAHOON KARON**

Mensahe 4

**Ang Pagpahiuli sa Subjectibong Mga Kamatuoran
sa Ebanghelyo sa Juan**

Basahong Kasulatan: Juan 1:14, 16; 14:16-20, 6; 20:22; 4:10, 14; 6:35; 57;
12:23-24; 3:29-30

I. Nagtinguha ang Ginoo nga ipahiuli ang subjectibong mga kamatuoran sa Balaang Kasulatan—Juan 1:14; 14:16-20; 1 Tim. 3:15-16; 2 Tim. 4:22; 3:15-16:

A. Duha gyod kanunay ang aspeto sa mga kamatuoran sa Balaang Kasulatan—ang objectibong aspeto ug subjectibong aspeto—Rom. 8:34, 10; Col. 3:1; 1:27:

1. Dunay duha ka aspeto ang kaluwasan sa Dios: ang dayag, objectibong aspeto, nga gitiman-an sa labing maayong kupo, ug ang sulodnon, subjectibong aspeto, nga gitiman-an sa pinatambok nga nating baka; si Cristo nga atong objectibong pagkamatarong mao ang kaluwasan nato sa gawas, samtang si Cristo nga atong subjectibong kinabuhi nga kapahimuslan nato mao ang kaluwasan nato sa sulod—Luc. 15:22-24; itandi sa Rom. 5:10.
2. Alang sa subjectibong kasinatian ang tanang objectibong doktrina; ang objectibong Cristo mao “ang labing maayong kupo” sa pagkamatarong nga nagtagbaw-sa-Dios nga motabon sa makasasalang mahinulsolon (Jer. 23:6; 1 Cor. 1:30), samtang ang subjectibong Cristo mao “ang pinatambok nga nating baka” isip datong Cristo (Efe. 3:8), nga gipatay didto sa krus alang sa sangkap sa kinabuhi ug pagpahimulos sa magtutuo diha sa pagkabanhaw (Juan 10:10; 6:63; 11:25; 12:24; 4:10, 14; 20:22).
3. Si Cristo nga atong objectibong pagkamatarong makapatagbo nato sa gipangayo sa pagkamatarong sa Dios, samtang si Cristo nga atong subjectibong pagkamatarong makapatagbo nato sa gipangayo sa madaogong Cristo—Sal. 45:13-14; Fil. 3:9; Bug. 19:7-9.
4. “Iya sa kinabuhi” ang pagmatarong kay ang kinabuhi man ang tumong sa kaluwasan sa Dios; lugwa sa objectibong pagmatarong kanato ang subjectibo nga organicong pagkausa nato sa kinabuhi pinaagi sa Ginoo ug diha sa Ginoo—Rom. 5:10, 17-18; 11:17, 24; Juan 15:4-5; 1 Cor. 6:17.

B. Nadugtong sa Espiritu ug kinabuhi ug inumol sa Espiritu ug kinabuhi ang subjectibong mga kamatuoran—Juan 6:63; 2 Cor. 3:6:

1. Ang Espiritu ug kinabuhi maoy pagkamao sa subjectibong mga kamatuoran; busa, kon wala ang Espiritu ug kinabuhi wala tay bisan unsang subjectibong mga kamatuoran.
2. Magkinabuhi ngani ta pinaagi sa Espiritu ug kinabuhi, masinati nato ang subjectibong mga kamatuoran, ug mosangpot kini sa iglesihanong kinabuhi—Rom. 8:2, 4; 16:1, 4-5.

II. Nagpadayag ang Ebanghelyo sa Juan—nga basahon kalabot sa subjectibong mga kamatuoran—nga kinahanglan duna tay subjectibong mga kasinatian ni Cristo—4:14; 6:57; 20:22:

A. Ang Ebanghelyo sa Juan basahon kalabot sa subjectibong pagsinati nato ni Cristo ingon nga kinabuhi—1:4; 3:15-16; 10:10; 11:25; 14:6:

1. Ang Amahan maoy tinubdan sa kinabuhi, ang Anak maoy pagkalawas sa kinabuhi, ug ang Espiritu maoy Taghatag sa kinabuhi—5:26; 1:4; 6:63.
 2. Ang pagtukod ug pagtubo sa Lawas ni Cristo mao ang pagtubo ug pag-awas sa kinabuhi—7:37-38; 15:1-8.
 3. Ang mga mananaog maoy mga tigdawat, tigpahimulos, ug tigpaambit ni Cristo nga lunhawng sibsibanan sa kinabuhi—1:12-13, 16; 10:9-10; 21:15-17.
 4. Ang Amahan mao ang tuboran nga tinubdan sa kinabuhi, ang Anak mao ang tubod nga pagtubod sa kinabuhi, ang Espiritu mao ang suba nga pag-agay sa kinabuhi, ug “ngadto sa kinabuhing walay kataposan” kining nag-agay nga Tulo-usang Dios, nga mao ang pagkahimo natong Bag-ong Jerusalem nga kinatibuk-an sa kinabuhing walay kataposan (pinaagi sa Dios nga himaya sa kinabuhi, sa Amahan nga kahayag sa kinabuhi, sa Anak nga kahoy sa kinabuhi, ug sa Espiritu nga suba sa kinabuhi)—4:14; Bug. 21:9-11, 23; 22:1-2, 5.
- B. Gipadayag sa capitulo 1 sa Juan si Cristo isip walay kataposang Pulong sa Dios—v. 1:
1. Si Cristo nga Pulong sa Dios namulong alang sa Dios pinaagi sa Iyang kabuhatan—v. 3.
 2. Si Cristo nga Pulong sa Dios namulong alang sa Dios pinaagi sa pagpakatawo Niya ingon nga tabernaculo sa Dios—v. 14.
 3. Si Cristo nga Pulong sa Dios namulong alang sa Dios sa pagkahimo Niyang Cordero sa Dios alang sa pagtubos—v. 29.
 4. Si Cristo nga Pulong sa Dios namulong alang sa Dios pinaagi sa pagkahimo Niyang Espiritu nga nagdihog aron matransporma ang tinubos nga katawhan sa Dios ug mahimong mga bato alang sa organicong pagtukod sa balay sa Dios (Bethel) alang sa Bag-ong Tugon—vv. 32-42, 51; itandi sa Gen. 28:11-22.
- C. Nahimong unod ang Pulong para makontak, mahikap, madawat, masinati, masudlan, ug mapahimuslan ang Dios aron ikaumol Niya ang Iyang Kaugalingon kanato—Juan 1:14; 14:16-17.
- D. Nahimong Espiritu si Cristo ingon nga gininhawa aron maginhawa nato Siya, ang buhing tubig aron mainom nato Siya, ug ang tinapay sa kinabuhi aron makaon nato Siya—4:10, 14; 6:32-33, 35, 51, 54-57; 7:37-39; 20:22.
- E. Si Cristo ang tinuod nga punoan sa paras, ug kita ang Iyang mga sanga—15:1-8:
1. Ang kinabuhi, pagkamao, ug kinaiya sa punoan sa paras mao ang kinabuhi, pagkamao, ug kinaiya sa mga sanga—1 Juan 5:11-12; 2 Ped. 1:4.
 2. Ang Anak nga punoan sa paras maoy sentro sa pamatigayon sa Dios ug ang pagkalawas sa tanang kadato sa Amahan; sa pag-ugmad sa Amahan sa Anak, giuol Niya ang Iyang Kaugalingon ug ang tanang kadato Niya nganha sa punoan sa paras, ug sa kapulihay, hiniusang gipadayag sa punoan sa paras ang Amahan pinaagi sa mga magtutuo ni Cristo nga mga sanga niini.
- F. Ang subjectibong pagsinati kang Cristo mao gyod si Cristo mismo nga nisulod kanato aron mahimong atong kinabuhi ug inug-umol sa atong pagkatawo—Col. 3:4, 10-11.

III. Gipadayag sa Ebanghelyo sa Juan ang subjectibong mga kamatuoran kalabot sa iglesia:

- A. Ang lugwa sa pagdawat nato sa Ginoo nganhi nato mao nga mahimo tang mga inug-umol sa iglesia—12:24; 20:17; 15:4-5; 3:29-30.
- B. Ang pahiuli sa Ginoo pagpahiuli man sa subjectibong pagsinati kang Cristo aron mabatasan ang iglesiahang kinabuhi—Gal. 1:15-16; 2:20; 4:19; 1:2:

1. Ang iglesia, nga lugwa sa subjectibong pagsinati nato ni Cristo, mao si Cristo nga naumol nganha sa Iyang mga magtutuo—Efe. 3:16-19.
 2. Si Cristo nga namatay ug nabanhaw naumol na kanato aron mapalugwa ang iglesia, nga mao ang Lawas Niya—Col. 1:27, 18; 2:19; 3:15.
 3. Si Cristo mismo ang Ulo, ug si Cristo nga naumol kanato mao ang Lawas—Efe. 1:22-23; 3:17; 4:15-16; Col. 1:18, 27; 3:4; 2:19; 3:15.
- C. Bisan dili pihong gigamit ang pulong *iglesia* sa Ebanghelyo sa Juan, tatawng gipatin-aw ang kamatuoran sa pagkaanaa sa iglesia ug ang mga inug-umol sa iglesia, ug gipasabot ang iglesia sa pito ka paagi:
1. Hinimo ang iglesia sa daghang lugas sa trigo, nga mao ang daghang magtutuo nga gipalugwa sa kamatayon ug pagkabanhaw ni Cristo—12:23-24.
 2. Hinimo ang iglesia sa daghang igsoon sa Ginoo—20:17.
 3. Ang iglesia mao ang balay sa Amahan—14:2, 23.
 4. Ang iglesia mao ang punoan sa paras sa Anak nga daghan og sanga—15:5, 7.
 5. Ang iglesia mao ang bag-ong bata sa Espiritu, ang bag-ong tawo, nga gipanganak sa nahingpit nga Espiritu—16:20-22.
 6. Ang iglesia mao ang pangasaw-onon nga si Cristo maoy Pamanhonon—3:29-30.
 7. Ang iglesia mao ang usa ka panon nga si Cristo maoy Magbalantay—10:14-16.
- D. Ang praktikal nga iglesiahanong kinabuhi lugwa man sa pagsinati nato sa subjectibong mga kamatuoran; masinati ngani nato ang subjectibong mga kamatuoran, diha-dayong molugwa ang iglesia—Rom. 8:10-11; 12:4-5; 16:1, 4-5; 1 Cor. 1:9, 30; 15:45; 6:17; 1:2; 12:27.
- E. Ang lugwa sa subjectibong pagsinati nato ni Cristo nga kinabuhi mao ang iglesiahanong kinabuhi nga balay nga kombirahanan—Juan 12:1-11:
1. Diha sa iglesiahanong kinabuhi trayanggulong bahin sa iglesia gyod unta tang tanan—“Marta-Lazaro-Maria.”
 2. Diha sa tinuod nga iglesiahanong kinabuhi gihimo ang makugihong pagalagad nato sa Ginoo, makita ang buhing panghimatuod sa Ginoo, ug gibubo ang bug-os nga paghigugma nato sa Ginoo; kini ang tinuod nga pagpadayag sa Lawas sa Ginoo, nga sudlanang kasudlan sa Ginoo ug magpadayag Niya.